



## Universitätsbibliothek Paderborn

**Disputationes|| ROBERTI BELLAR-||MINI E SOCIETATE  
IESV,|| DE CONTROVERSIIS CHRISTIANAE|| FIDEI,  
ADVERSVS HVIVS TEM-||poris Hæreticos,||**

Tribus Tomis comprehensæ.||

DE VERBO DEI|| scripto & non scripto,|| QVATVOR LIBRIS|| EXPLICATA.||

**Bellarmino, Roberto Francesco Romolo <Heiliger>**

**Ingolstadii, 1599**

**VD16 B 1607**

VI. De hæreticis, qui libros Testamenti noui suprà numeratos oppugnârunt.

[urn:nbn:de:hbz:466:1-53828](https://nbn-resolving.de/urn/resolver.pl?urn=urn:nbn:de:hbz:466:1-53828)

„mine, esse compositum, sed à quodam qui temporibus Antiochi, qui appellatus est Epiphanes, fuerit in Iudæa: & non tam Danielem ventura dixisse, quām illum narrasse præterita. Denique quidquid usque ad Antiochum dixerit, veram histriam continere: si quid autem ultra opinatus sit, quia futura nescierit, esse mentitum,

Ac, ut omittamus de libro Danielis diuinum Christi testimoniū ex cap. 24. S. Matthæi, quod à Porphyrio non recipitur, scribit Ioseph. lib. II. antiq. cap. 8. Alexandro Magno venienti Hierosolymam, oblatum à sacerdotibus fuisse volumen Danielis, atque eum locum cap. 8. demonstratum, ubi arietem ab hirco, id est, Regem Persarum à Rege Græcorum decūctum ac profligatum iri, Daniel idem & prædicebat & explanabat. Cūm autem Alexander Antiochum annis amplius centum & quinquaginta præcesserit, qua ratione fieri potest, ut is liber Antiochi tempore scriptus fuerit, qui tanto antè Alexandro demonstratus fuit? Quæ verò post Antiochi ætatem in Daniele sequuntur vaticinia, ea non mendacia, ut vult Porphyrius, sed oracula esse verissima, is demum intelliget, qui eos libros diligenter euoluet, quos S. Hieronymus præfatione commentarij in Danielem legendos monet.

## CAPVT VI.

*De hereticis, qui libros Testamenti noui  
suprà numeratos oppugnârunt.*

**E**NON A hæresis Euangeliorum libros in vniuersum ferè repudiatur. Auctores huius erroris bifariam dividuntur. Nonnulli enim in ea hæresi sunt, ut neque ab Apostolis, neque ab aliis discipulis Domini scripta esse Euangelia arbitrentur, sed à quibusdam impostoribus, qui multa falsa veris admiscuerint, & tamen hæc sua commenta pro scriptis Apostolicis venditauerint. Ita sensisse atque scripsisse Faustum Manichæum, auctor est S. Augustinus lib. 32. contra Faustum, cap. 2. & lib. 33. cap. 3. Nonnulli verò Euangelia quidem ab Apostolis scripta esse nō negant, sed ea tamen plurimis in locis, vel ipsa secum, vel cum veritate

tate pugnare contendunt: propterea quod Apostoli partim ut homines interdum errauerint, partim studiosè magistri sui gloriam confictis narrationibus ornare non dubitauerint.

Atq; hæc sententia permultos habuit patronos. Primùm **Ethnicos**, teste Augustino 2. Retract. cap. 16. deinde **Iulianum** apostatam, teste Cyrillo lib. 10. in Iulianum; tum **Mahumetem**, Pseudoprophetam, teste Ioanne Damasceno, lib. de cœn-  
tum hæresibus; deniq; etiam nostris temporibus **Ottthonem** **Brunfelsium**, teste Ioanne Cochlaeo lib. de Scripturæ & Ec-  
clesiæ auctoritate, cap. 3. & 4.

Ac priorem quidem hæresim, quæ est Manichæorum, san-  
ctus Augustinus lib. 32. contra Faustum, cap. 16. & 21. & lib. 33.  
cap. 7. dupli ratione confutat. Primùm, quod Manichæi,  
cùm ex Euangeliis errores suos confirmare nitantur, & ta-  
men eadem Euangelia ab impostoribus quibusdam scripta  
esse contendant; ita sanè agere videantur, ac si quis testem  
suum prius dicat falsitate esse corruptum, & tunc demum  
eum producat ad testimonium.

Deinde, quoniam si ex tam clara tot seculorum sibi inui-  
cem succendentium contestatione continua, non satis proba-  
tur Apostolorum esse eas literas, quas Apostolorum dicit &  
tenet Ecclesia, ab ipsis Apostolis propagata, & per omnes  
gentes longè lateque diffusa, omnium literarum atq; libro-  
rum fides pereat necesse sit. Siquidem Hippocratis libros,  
Platonis, Aristotelis, Ciceronis, Varronis, aliorumque huius-  
modi auctorum, vnde constat esse ipsorum? Vnde, si quis hoc  
neget, nec saltem refellitur, sed ridetur? nisi quia sic eos ab i-  
psò eorum tempore vsque ad hoc tempus successionis series  
commendauit, vt planè sit hac de re dubitare dementis.

Alteram deinde hæresim hisce argumentis idem Augusti-  
nus lib. 1. de consen. Euang. cap. 7. & 8. non minus breuiter,  
quam acutè refellit: Primum, si de Pythagora atque Socrate,  
qui nihil ipsis sūrum scripserunt, discipulis eorum scribentibus  
credimus; quæ cauſa est, cur Apostolis de magistro suo scri-  
bentibus non sit fides habenda? An illi fortassis quoniam sa-  
pientes erant, discipulos facere veraces potuerunt, non po-  
tuit veraces facere discipulos Christus, qui, ipsis etiam con-  
sentientibus, sapientia omnibus præstítit?

F 5

Deinde

Deinde cùm illi ipsi, qui falsa scripsisse Apostolos clamant, Christum sapientissimum hominem fuisse censeant, neque id aliunde, quām ex Apostolorum literis discere potuerint: An non satis perspicue conuincuntur, Apostolorum libris modò credere, modò non credere, non rationis iudicio, sed arbitrio voluntatis? Præterea si magistri gloriam discipuli nimis cupidè scriptis suis amplificare studuissent, debebant certè crucis ignominiam aut silentio regere, aut attingere quām breuissimè; In reditu verò ab inferis, atque ascensione in cœlum explicanda, orationem longissimam ponere. Quo igitur consilio Euangelistæ omnes, resurrectionem atque ascensionem vix commemorant: in exponendis vinculis, flagellis, cruce, contumeliis, dedecore, cruciatibus, quām diutissimè immorantur? Nimirum non magistri laudes falsa narratione prosequi, sed Christi sermones, resque ab eo gestas simpliciter ac verè literis commendare propositum habuerunt.

**D E C I M A** hæresis tres Euangelistas recipit, Matthæum, Marcum, Lucam, Ioannē, vt illis contrarium repudiat. Hanc hæresim sine nomine auctoris, Philastrius refert cap. 60. Sed Alogianorum, sive Alogorum dici posse, censet Epiphanius hær. 51. quem sequitur S. Augustinus hær. 30.

**V N D E C I M A** hæresis solum Matthæum ex Euangelistis probat, auctorem huius hæresis Ebionem fuisse scribit Irenæus lib. 1. cap. 26. Vide etiam de hac re Epiphanium hær. 30. & Eusebium lib. 3. hist. Eccles. cap. 21.

**D V O D E C I M A** hæresis, quæ est Cherinthi, eodem teste Irenæo lib. 3. cap. 11. solius Marci Euangeli vtitur.

**D E C I M A T E R T I A** hæresis Marcionis est, vt Irenæus ibidem, & Tertullianus libro de præscript. aduersus hæreticos scriptum reliquerunt, & solum Lucam in pretio habet; quam nec integrum, sed mutilum & corruptum, vt ex Tertulliano lib. 4. contra Marcionem, & Epiphanio hær. 42. placnum est.

**D E C I M A Q U A R T A** hæresis, Euangelistam nullum agnoscit, præter vnum Ioannem; cuius hæresis auctorem Valentinum ibidem Irenæus facit. Atque hanc hæresim vigere ac florere, vehementer optasse videtur Martinus Lutherus, tametsi quoniam rem esse hoc tempore nimis difficilem intellexit,

tellexit, non nimium operæ ac laboris in eo ponendum esse putauit. Certè præfatione in nouum Testamentum, ut etiam Ioannes Cochlaeus animaduertit in lib. de Scripturæ & Ecclesiæ auctoritate, cap.3. & in Septicipite, cap.5. abolendam esse dicit illam falsam opinionem, quod sint tantum quatuor Euangelia. Itē Ioannis Euangeliū esse vnicum, pulchrum, verum, ac principale Euangeliū, aliisq; tribus longè ac latè præferendum, adeò ut etiam Pauli ac Petri epistolæ, longè præcedant tria illa Euangelia Matthæi, Marci, ac Lucæ.

Has quinque postremas hæreses veteres Patres ut refutarent, multis rationibus demonstrare conari sunt, non modò quatuor tantum esse libros Euangeliorum, verùm etiam nec plures, nec pauciores confici debuisse. Vide Irenæum lib.3. cap.11. Tertullianum lib.4. in Marcionem; Ambrosium præfat. commentar. in Lucam, & lib.10. cap.101. Eucherium lib.1. in Gen. cap.14. Hieronymum præfat. commentar. in Matth. Augustinum lib.1. de consensu Euang. cap.6. Gregorium homil.4. in Ezech. Et sanè, ut rationes alias interim omittamus, quid significare credenda sunt quatuor illa animantia, quæ Ezechieli & Ioanni diuinitus ostensa sunt, Homo, Leo, Vitulus, Aquila, nisi quatuor Euangelistas, Matthæum, Marcum, Lucam & Ioannem? Id enim non solum literis & vocibus populi vbique testantur, sed ipsi etiam parietes signis & imaginibus clamant.

QVINTA DECIMA hæresis librum Actorum Apostolorum è numero diuinorum voluminum detrahit. Auctores huius hæresis multos habemus, Cherinthum apud Philastrium cap.36. Cerdonem apud Tertullianum de præscript. Tatianum apud Eusebium lib.4. hist. cap.29. Manichæum apud Augustinum lib. de utilitate credendi, cap.3.

SEXTA DECIMA hæresis Ebionitarum est, qui scripta omnia Pauli Apostoli reiiciunt, & ipsum Paulum Græcum atque apostatam vocant. testes sunt Irenæus lib.1. cap.26. & Epiphanius hæres.30. eundem errorem Helchesitum postmodum placuisse, scribit Eusebius in 6.lib.hist. Eccles. cap.27.

SEPTIMA DECIMA hæresis, quæ est Marcionis, testibus Epiphanio, hæres.42. ac Hieronymo, præfat. comment. epistolæ ad Titum, epistolas ad Timotheum & Titum integras respuit: è ceteris, quod sibi videtur, spongia sua delet. Refellit has

has tres hæreses accuratè Petrus Cluniacensis Abbas in epistola priore aduersus Henricianos & Petrobrusianos. Nec est operæ pretium in re tam perspicua tempus terere.

POSTREM A eorum hæresis est, qui in ipisis B. Pauli epistolis, aliisque sacris ac diuinis libris, non omnia scripta esse volunt, dictante Spiritu sancto, sed aliqua interdum, sola prudentia & ratione humana duce. Quocirca totam epistolam ad Philemonem, ut more humano scriptam contempserunt. Laborabant olim hoc errore tum Anomœi apud Epiphanium hæresi 76. tum etiam alij quidam apud Hieronymum in cap. 5. Micheæ, & præfat. comment. epistolæ ad Philemonem, & apud Augustinum lib. 2. contra aduersarium legis & Prophetarum, cap. 2.

Nostro seculo Erasmus eandem hæresim renouauit: siquidem in annotationibus suis ad secundum & vice secundum septimum caput Matthæi, non obscurè scripsit, non esse metendum, ne totius Scripturæ corruat auctoritas, si leuis aliquis error in ea deprehendatur, præsertim cum Euangelistas interdum memoria lapsos Augustinus concedat, lib. 3. de consensu Euang. cap. 7. & negari nullo modo posse videatur.

Refellunt hanc hæresim Epiphanius, Hieronymus & Augustinus locis paulò antè notatis. Quia verò S. Augustini testimonio Erasmus abutitur, operæ pretium erit, ut huius unius doctoris verba in medium adferamus. Sic igitur loquitur S. Augustinus lib. 2. de consensu Euang. cap. 12. Omnem autem falsitatem ab Evangelistis decet, non solum eam, quam mentiendo promittur, sed etiam eam, qua obliuiscendo. Non igitur, ut vult Erasmus, errorem ex memoria lapsu, Euangelistæ tribuit Augustinus.

Rursum in epist. 8. ad S. Hieronymum: Admisso, inquit, in tantum auctoritatis fastigium aliquo mendacio, nulla particula horum librorum manebit, quæ non possit in dubium resuocari. Quæ ratio Augustini firmissima est; si enim erratum aliquod in Scripturis, siue imperitia, siue obliuione, siue alia quacunque humana imbecillitate ab auctore committi potuit, quicunque locus proferatur, de eo quæstio esse poterit, an in eo scribendo auctor non dormitauerit.

Quid igitur, inquires, si voluit Augustinus, cum in 3. lib. de consensu Euang. cap. 7. quod apud Matth. legatur Hieremias

mias pro Zacharia, nominis errorem tribuit lapsui memoriae? Respondeo, non legisse me apud Augustinum errorem, vel lapsus, ut Erasmus dicit, sed a Spiritu sancto mirabiliter gubernatam mentem Euangelistæ, sine errore & sine lapsu. Id vnum Augustinus dicit, scribenti Euangelistæ, diuina prouidentia vnius Prophetæ nomen pro alio occurrisse; in quo si lapsus aut error fuit, certè Spiritus sancti fuit. Spiritum sanctum verò labi, aut errare posse, nemo sanæ mentis vñquam dixit. Sed verba ipsa S. Augustini audiamus.

*Quid, inquit, intelligendum est, nisi hoc actum esse secretiori consilio prouidentia Dei, qua mentes Euangelistarum sunt gubernatae? Potuit enim fieri, ut animo Matthæi Euangelium conscribentis, pro Zacharia Hieremias occurrerit, ut fieri sollet: quod tamen sine volla dubitatione emendaret, saltem ab aliis admonitus, qui ipso adhuc in carne vivente hoc legere potuerant, nisi cogitaret recordationi sua, qua sancto Spiritu regebatur, non frustra occurrisse aliud pro alio nomen Prophetæ, nisi quia ita Dominus hoc scribi constituit. Cur autem ita constituerit Dominus, prima illa causa utilissima debet facilius cogitari, etiam sic esse insinuatum, ita omnes sanctos Prophetas uno Spiritu locutos, mirabiliter inter se consensione constare, ut hoc multò amplius sit, quam si omnia Prophetarum uno unius ore dicerentur: Et ideo indubitanter accipi debere, quaecunque per eos Spiritus sanctus dixit, Et singula esse omnium, Et omnia singulorum. Cum igitur Et quæ dicta sunt per Hieremiam, tam sint Zacharia quam Hieremia, Et quæ dicta sunt per Zachariam, tam sint Hieremia quam Zacharia: quid opus erat ut emendaret Matthæus, cum aliud pro alio sibi nomen occurrens, à se scriptum relegisset, ac non potius sequens auctoritatem Spiritus sancti, à quo mentem suam regi plus nobis ille st̄tique sentiebat, ita hoc scriptum relinqueret, sicut eum admonendo constituerat ei Dominus? ad informandos nos, tantam verborum suorū inter Prophetas esse concordiam, ut non absurdè, immò congruentissime etiam Hieremiam depuraremus, quod per Zachariam dictum reperiremus.*

Argumenta quæ Melchior Canus lib. 2. de locis Theolog. cap. 16. 17. 18. pro hac hæresi adducit & diluit, prætermittenda mihi esse putauim, tum quod ea apud nullum hæreticorum legerim, tum etiam quod ab ipso Cano facile peti possint.

CAPUT